




სამურის მოახბა



№22(395)

12 ივნისი, ორშაბათი,

2023 წელი

სამურის მუნიციპალიტეტში საშუალოვადიანი განვითარების დოკუმენტის შემუშავება მიმდინარეობს. ამ მიზნით მორიგი სამუშაო შეხვედრა ჩატარდა

დოკუმენტის მომზადებაზე მომუშავე ჯგუფის წევრები მუნიციპალიტეტის საკრებულოს თავმჯდომარე ნინო ლიპარტიანიანთან ერთად USAID ძლიერი სოფლის პროგრამის ექსპერტ შოთა მურდულიას და პროგრამის წარმომადგენლებს შეხვდნენ და იმსჯელეს დოკუმენტის ძირითად პრიორიტეტებზე, რაც მოიცავს ინფრასტრუქტურისა და მრეწველობის განვითარებას, გარემოს დაცვასა და სოფლის მეურნეობას, განათლებას, კულტურას, ტურიზმს და სპორტს, ჯანდაცვასა და სოციალურ უზრუნველყოფას და სერვისების განვითარებას.

სამუშაო შეხვედრამ საქმიან ვითარებაში ჩაიარა.

USAID -ის ძლიერი სოფლის პროგრამის მიზანია ხელი შეუწყოს სამურის მუნიციპალიტეტის სტაბილურ სოციალურ-ეკონომიკურ განვითარებას, რაც პოზიტიურად აისახება მუნიციპალიტეტში მცხოვრები მოქალაქეების ყოველდღიურ ყოფაზე. თანამშრომლობის ფარგლებში, პროგრამა სამურის მუნიციპალიტეტს სრულყოფილი მუნიციპალური განვითარების სტრატეგიის შემუშავებაში დაეხმარება და ამით მხარს დაუჭერს რეგიონის გაძლიერებას, ახალი შესაძლებლობების, სამუშაო ადგილების გაჩენასა და არსებულ და სამომავლო რისკებთან გამკლავებაში.



საშუალოვადიანი განვითარების დოკუმენტის მომზადების სამუშაო ჯგუფი აერთიანებს მუნიციპალიტეტის საკრებულოსა და მერიის წარმომადგენლებს, სკოლების ხელმძღვანელებს, მცირე და საშუალო მეწარმეებს, სოფლის მეურნეობის საკონსულტაციო ცენტრის, სამოქალაქო საზოგადოების წარმომადგენლებს.



„აღვანის“ საჩუქრები - პატარებს

სამურის მუნიციპალიტეტის მერიის ჩართულობით, დაცვის კომპანია „აღვანის“ წარმომადგენლებმა, „მომავლის სახლისა“ და დაბა სურამის სააღმზრდელო დაწესებულების პატარები მრავალფეროვანი საჩუქრებით გაახარეს.

„ეს ჩვენი ტრადიციაა, მუდმივად ვცდილობთ, მომავალი თაობები წავახალისოთ“- აღნიშნეს კომპანიის წარმომადგენლებმა.

ღონისძიებაში აქტიურად იყო ჩართული სამურის მუნიციპალიტეტის მერი-თენგიზ ჩიტიაშვილი, მერიის განათლების, კულტურის და სპორტის სამსახურის უფროსი კონსტანტინე ფრუიძე და ა(ა)იპ „სამურის სკოლამდელი აღზრდის დაწესებულებების - საბავშვო ბაღების გაერთიანების“ დირექტორი ლევა გელაშვილი.

მათ მადლობა გადაუხადეს დაცვის სამსახურს და აღნიშნეს, რომ ამ მიმართულებით, გარდა მუნიციპალური სერვისებისა, სხვადასხვა კომპანიების ჩართულობაც ძალიან მნიშვნელოვანი და დასაფასებელია.

ჯანდაცვის სამინისტროს საგანგებო სიტუაციების კოორდინაციისა და გადაუდებელი დახმარების ცენტრის ავტოპარკი 23 სპეცმანქანით განახლდა.

მაღალი გამავლობის, ევროსტანდარტების შესაბამისი, ავტომობილები, თანამედროვე სამედიცინო აპარატურითაა აღჭურვილი და რთულ რელიეფზე გადასაადგილებლად არის განკუთვნილი.

სასწრაფო დახმარების 23 ახალი ავტომობილი ქვეყნის მასშტაბით, რეგიონებში, მათ შორის სამურის მუნიციპალიტეტში გადანაწილდება.



სასწრაფო სამედიცინო დახმარების ავტოპარკი სპეცმანქანებით განახლდა

საქართველოს პრემიერ-მინისტრის ინიციატივით, ქვეყნის მასშტაბით, 885 საბავშვო ბაღის მშენებლობა-რეაბილიტაცია განხორციელდება.

პროგრამის ფარგლებში, შიდა ქართლის რეგიონში 2023 წელს 24 ახალი საბავშვო ბაღის მშენებლობა დაიწყება, ხოლო სრული რეაბილიტაცია ჩაუტარდება 3 სააღმზრდელო დაწესებულებას.

მათ შორის სამურის მუნიციპალიტეტში აშენდება

სოფელ ცხრამუხის საბავშვო ბაღი;

დაბა სურამის საბავშვო ბაღი.

სამშენებლო-სარეაბილიტაციო სამუშაოებს საქართველოს რეგიონული განვითარებისა და ინფრასტრუქტურის სამინისტროს მუნიციპალური განვითარების ფონდი განახორციელებს.

2021-2022 წლებში შიდა ქართლში 8 ახალი საბავშვო ბაღი აშენდა, ხოლო 8 საბავშვო ბაღს სრული რეაბილიტაცია ჩაუტარდა.



ხაშურის მუნიციპალიტეტის საკრებულოს 2023 წლის III კვარტლის სამუშაო გეგმა

N	საკრებულოს სხდომაზე განსახილველი საკითხების დასახელება	განხილვის დრო	მომხსენებელი	პასუხისმგებელი საკითხის მომზადებაზე
1	2	3	4	5
1	ხაშურის მუნიციპალიტეტის მერიის ა(ა)იპ საზოგადოებრივი ჯანდაცვის ცენტრის მიერ 2022 წელს გაწეული საქმიანობისა და მუშაობის შეფასების თაობაზე.	06.ივლ	ხაშურის მუნიციპალიტეტის მერიის ა(ა)იპ საზოგადოებრივი ჯანდაცვის ცენტრის დირექტორი	სოციალურ საკითხთა კომისია
2	ხაშურის მუნიციპალიტეტის მერიის განათლების, კულტურისა და სპორტის სამსახურის მიერ 2023 წლის პირველ ნახევარში გაწეული საქმიანობისა და ანგარიშის შეფასების შესახებ.	03.აგვ	ხაშურის მუნიციპალიტეტის მერიის განათლების, კულტურისა და სპორტის სამსახურის ხელმძღვანელი	სოციალურ საკითხთა კომისია
3	ხაშურის მუნიციპალიტეტის მერიის ადმინისტრაციული სამსახურის მერის წარმომადგენლების საქმიანობის კოორდინაციის განყოფილების მიერ 2023 წლის პირველ ნახევარში გაწეული საქმიანობისა და შეფასების თაობაზე.	07.სექ	ხაშურის მუნიციპალიტეტის მერიის ადმინისტრაციული სამსახურის მერის წარმომადგენლების საქმიანობის კოორდინაციის განყოფილების უფროსი	საფინანსო საბიუჯეტო კომისია

ხაშურის მუნიციპალიტეტის ახალგაზრდული პოლიტიკის სტრატეგია 2023-2026 წ

წინამდებარე სტრატეგია მომზადდა ხაშურის მუნიციპალიტეტის მერიის, ხაშურის მუნიციპალიტეტის საკრებულოს დარგობრივი კომისიისა და ა(ა)იპ „საზოგადოება ბილიკის“ პარტნიორობის საფუძველზე, ევროკავშირისა (EU) და კონრად ადენაუერის ფონდის (KAS) მიერ დაფინანსებული პროექტის „სამოქალაქო საზოგადოების ინიციატივა: მდგრადი, ღია და ანგარიშვალდებულო სამოქალაქო საზოგადოების ორგანიზაციები საქართველოს განვითარებისთვის“ ფარგლებში. შემდგომში მონაწილეთა წრე გაფართოვდა და მოიცვა ახალგაზრდულ საკითხებზე მომუშავე სხვა ადგილობრივი არასამთავრობო და საერთაშორისო ორგანიზაციები, ასევე ის ახალგაზრდები და დაინტერესებული პირები, ვინც თვითმმართველ თემში ცხოვრობს და/ან საქმიანობს.

2022 წლის გაზაფხულზე, „საზოგადოება ბილიკი“ მიერ ჩატარდა სოციოლოგიური კვლევა ხაშურის მუნიციპალიტეტში მცხოვრები ახალგაზრდების საჭიროებების შესასწავლის მიზნით. კვლევის შედეგად გამოვლენილი საჭიროებები და პრობლემები გახდა საფუძველი ხაშურის მუნიციპალიტეტისთვის მტკიცებულებებზე დაფუძნებული ახალგაზრდული სტრატეგიის შექმნის. ახალგაზრდული სტრატეგია მთავარი ინსტრუმენტია ხაშურის ახალგაზრდული პოლიტიკის სისტემური და მდგრადი განვითარებისთვის.

„ხაშურის მუნიციპალიტეტის ახალგაზრდული სტრატეგიის“ (შემდგომში „სტრატეგია“) არეგულირებს იმ საკითხთა ფართო სპექტრს, რომლებიც მუნიციპალიტეტში მცხოვრებ 14-29 წლის ახალგაზრდებს ეხებათ. სტრატეგია ეფუძნება 2014 წლის 2 აპრილს საქართველოს მთავრობის #533 განკარგულებით დამტკიცებულ „საქართველოს სახელმწიფო ახალგაზრდული პოლიტიკის დოკუმენტს“, მუნიციპალიტეტში არსებული სპეციფიკისა და საჭიროებების გათვალისწინებით. დოკუმენტი თანხვედრაშია „სახელმწიფოს ახალგაზრდული სტრატეგია 2023-2026-ისა და მისი 2023 წლის სამოქმედო გეგმის დამტკიცების შესახებ“ საქართველოს მთავრობის 2022 წლის 29 დეკემბრის #606 დადგენილებასთან.

ხაშურის ახალგაზრდული პოლიტიკის დოკუმენტის მიზანია,

ხელი შეუწყოს ახალგაზრდების სრულფასოვანი განვითარებისათვის შესაბამისი გარემოს შექმნას, სადაც ისინი შეძლებენ საკუთარი პოტენციალის სრულად რეალიზებას და საზოგადოებრივი ცხოვრების ყველა სფეროში აქტიურად ჩართვას.

წინამდებარე სტრატეგია მოიცავს ახალგაზრდული პოლიტიკის ყველა კომპონენტს, კონკრეტულ დროში გაწერილ პროგრამებს, პროექტებსა და ღონისძიებებს. სტრატეგიის შექმნის პროცესი მოიცავდა შემდეგ ეტაპებს:

დაინტერესებული მხარეების (მათ შორის გადაწყვეტილების მიმღები პირების) იდენტიფიცირება და პარტნიორობის დამყარება;

სახელმწიფო ახალგაზრდული პოლიტიკის და ადგილობრივ დონეზე არსებული პროგრამების, რესურსებისა და სერვისების ანალიზი;

ხაშურის მუნიციპალიტეტში მცხოვრები ახალგაზრდების საჭიროებების კვლევა და ანალიზი;

სამუშაო შეხვედრა ახალგაზრდული სტრატეგიის პროექტის მომზადებისა და პრიორიტეტების იდენტიფიცირების მიზნით;

ხაშურის მუნიციპალიტეტისა და საკრებულოს წევრებთან, ახალგაზრდული პოლიტიკის დოკუმენტის პროექტის განხილვა;

ხაშურის მუნიციპალიტეტის საკრებულოს მიერ, „ხაშურის მუნიციპალიტეტის ახალგაზრდული სტრატეგიის“ დამტკიცება.

ხაშურის მუნიციპალიტეტი შედგება 12 ადმინისტრაციული ერთეულისგან, 83 სოფლისგან, მათ შორის ერთი დაბა:

ქვიშხეთის ადმინისტრაციული ერთეული
 ქვიშხეთი, ბელლეთი, ბულბულისციხე, მონასტერი, რუსაანთუბანი, სავანისუბანი, სათივე, სარმანიშვილისკარი, ტაშისკარი, ტერეზი, ყიფიაანთუბანი;

ცხრამუხის ადმინისტრაციული ერთეული:
 ცხრამუხა, დამჩხეულა, თაგვეთი, კოდისწყარო, რბონა, ქაშვეთი, ჯვართმუხა;

დაბა სურამის ადმინისტრაციული ერთეული:
 დაბა სურამი, ბიჩნისი, დიდი ბეკამი, პატარა ბეკამი, ზეკოტა, ურთხვა;

4. ხცისის ადმინისტრაციული ერთეული:
 ხცისი, დიდი თხილნარა, პატარა თხილნარა, კრისხევი, მიწობი;

5. წრომის ადმინისტრაციული ერთეული:
 წრომი, ახალშენი, დიდი ყელეთი, დიდი ხავლეთი, იმერლიაანთ-

კარი, ნადარბაზვეი, პატარა ყელეთი;

6. წაღვლის ადმინისტრაციული ერთეული: წაღვლი, ზემო ბროლოსანი, კლდისწყარო, ქვემო ბროლოსანი, ყობი, ჩორჩანა, წელვერი, ტიტვინისწყარო;

7. ოსიაურის ადმინისტრაციული ერთეული: ქვემო ოსიაური, ახალსოფელი, ზემო ოსიაური, ნარუჯები, ღანდილები, ლუდა;

8. ცოცხნარის ადმინისტრაციული ერთეული: ცოცხნარა, ოძისი, ქემფერი, ცედანი, ცივწყარო, წაბლოვანი;

9. ალის ადმინისტრაციული ერთეული: ალი, ახალუბანი, ბრილი, დუმაცხოვი, ზემო აძვისი, კლდისწყარო, ნაბახტევი, უწყლავი, ქინძათი, მცხეთიჯვარი;

10. გომის ადმინისტრაციული ერთეული: გომი, აგარები, დიდი სატივე, ვაჟა, პატარა სატივე, ქვემო აძვისი, ხიდისყური;

11. ფლავის ადმინისტრაციული ერთეული: დიდი ფლავი, ნაცარგორა, პატარა ფლავი, ტკოცა;

12. ხალევის ადმინისტრაციული ერთეული: დიდი ხალევი, ალექსანდრეწყარო, პატარა ხალევი, სარტყელი, ღართა, ღვრიაწყალი;

მაღალმთიანი დასახლების სტატუსი

მაღალმთიანი დასახლების სტატუსი მინიჭებული აქვს მუნიციპალიტეტში შემავალ 25 სოფელს: დუმაცხოვი, კლდისწყარო, ტკოცა, დიდი ფლავი, პატარა ფლავი, ცედანი, ცივწყარო, რბონა, ქაშვეთი, დამჩხეულა, ყობი, კლდისწყარო, წაღვლი, ტიტვინისწყარო, იმერლიაანთკარი, ნადარბაზვეი, პატარა ყელეთი, დიდი ხავლეთი, დიდი ყელეთი, დიდი ხალევი, პატარა ხალევი, ღართა, სარტყელა, ალექსანდრეს წყარო, დიდი თხილნარა, პატარა თხილნარა.

გამყოფი ხაზის მიმდებარე სოფლების სტატუსი მინიჭებული აქვს მუნიციპალიტეტში შემავალ 2 სოფელს: ჩორჩანა და წაღვლი.

ხაშურის მუნიციპალიტეტის დემოგრაფიული მდგომარეობა

უშუალოდ ხაშური უზნებად/თემებად დაყოფილი არ არის. მუნიციპალიტეტის მოსახლეობა, 2014 წლის მოსახლეობის საყოველთაო აღწერის მიხედვით, 52 603 ადამიანს შეადგენს, მათ შორის 10 285 ახალგაზრდა (14-29 წლის ჩათვლით). ახალგაზრდების წილი მუნიციპალიტეტის მოსახლეობაში 19 %-ია. ახალგაზრდების უმრავლესობა მამრობითი სქესის წარმომადგენელია და ისინი ახალგაზრდების 53 %-ს შეადგენენ:

სახელმწიფოში ეკონომიკური მდგომარეობის გაუმჯობესება საბჭოთა კავშირიდან გამოყოფის შემდგომ მიუძღვის. პერიოდულად ევროკავშირის, იუსაიდის თუ სხვა ფონდების ხელშეწყობით ხდება სხვადასხვა პროგრამების და რეფორმების განხორციელება, ბოლო პერიოდში კი აქტიურად მუშაობს სახელმწიფო პროგრამები (აწარმოე საქართველოში, სოფლის მეურნეობის განვითარების პროგრამა, GITA, დანერგე მომავალი და ა.შ.), რაც საშუალებას აძლევს ნებისმიერ მოქალაქეს განვითარდეს და განავითაროს საკუთარი მეწარმეობა/ ბიზნესი. განსაკუთრებული აქცენტი კეთდება, მაღალმთიან სოფლებსა და კონფლიქტის პირა სოფლების განვითარებაზე. შესაბამისად, აღნიშნული პროგრამები ხელს უწყობს დემოგრაფიული პრობლემების მოგვარებასა და სოფლებიდან ნაკლები ახალგაზრდის გადინებას. თუმცა, რჩება რიგი პრობლემები, რაც აფერხებს ახალგაზრდების განვითარებას.

ერთი-ერთი ძირითადი პრობლემა დაკავშირებულია იმ გარემოებასთან, რომ ეროვნულ დონეზე არ არსებობს ხედავ, რომელიც ითვალისწინებს და ხელს უწყობს ახალგაზრდების და ზრდასრულთა მოხალისეობრივ აქტივობებში ჩართვას. პიროვნება, რომელიც ჩართულია ბავშობიდან/ახალგაზრდობიდან სხვადასხვა მოხალისეობრივ აქტივობაში, გაცილებით შრომისუნარიანია ბაზარზე, რაც ერთთავად ხელს უწყობს როგორც თემის, ასევე ქვეყნის განვითარებას.

ასევე, აღსანიშნავია, ახალგაზრდების გადინება მეზობელ ქვეყნებში. განსაკუთრებით, ევროპის იმ ქვეყნებში, სადაც საქართველოსგან განსხვავებით შრომის ანაზღაურება მაღალია და ეკონომიკური მდგომარეობა სტაბილური (გერმანია, იტალიის ჩრდილოეთი, შვედეთი, ფინეთი).

აგრეთვე, ახალგაზრდების განვითარების ხელისშემშლელი ფაქტორია შიდა პოლიტიკური არასტაბილურობა და საერთაშორისო ასპარეზზე, მიმდინარე რუსეთის ომი უკრაინაში, რომელიც დამატებით ეკონომიკურ გამოწვევებს უქმნის საქართველოს. მოგეხსენებათ, პროდუქციის დიდი ნაწილი, საქართველოში შემოდის უკრაინიდან და რუსეთიდან. აღნიშნულ ქვეყნებში შექმნილმა სასურსათო დეფიციტმა გაზარდა საქართველოშიც პროდუქციის ფასები, ყოველდღიური მოხმარების პროდუქტებზე, რაც უარყოფითად აისახება ჩვენი ქვეყნის მოქალაქეების

ოჯახებზე. აღნიშნული გამოწვევების საპასუხოდ, აღსანიშნავია, სოფლის მეურნეობის პროგრამები, რომლებიც ხელს უწყობს ადგილობრივ დონეზე ახალგაზრდების დასაქმების პერსპექტივას.

სახელმწიფოს ერთ-ერთ პრობლემას ასევე წარმოადგენს ახალგაზრდები, რომლის დიდ ნაწილს არ აინტერესებთ სწავლა, მუშაობა, მიდრეკილნი არიან მავნე ჩვევებისკენ. ახალგაზრდების დიდი ნაწილისთვის ნარკოტიკები ცხოვრების ყოველდღიურ წესად იქცა, ასევე ადამიანის გამეტება სასიკვდილოდ. ახალგაზრდული პოლიტიკის შემქმნელები ფიქრობენ ამ თემებზე, თუმცა ერთიან სისტემაში მოქცევის საშუალება და შესაძლებლობა არ აქვთ, რის გამოც ქვეყანაში არსებულ ადამიანურ რესურსში არსებული შესაძლებლობები, მხოლოდ ინდივიდებში რჩება და ამით როგორც ჩვენი მომავალი თაობა ასევე სახელმწიფო იღებს დიდ ზიანს, რადგან ვერ ხერხდება სრულფასოვნად ცოდნის გადაცემა მომავალი თაობებისთვის და სხვა პროფესიონალებისთვის. ფაქტია, ოჯახური ძალადობა, ბულინგი, გემბლინგი, სუიციდი, სუიციდის მცდელობა, ნარკომანია, სხვადასხვა სახის მსუბუქი ნარკოტიკების მოხმარება აშკარად გაზრდილია დეკრიმინალიზაციის შემდგომ, რაც საერთო ჯამში ქვეყანაში ქმნის ახალგაზრდების განვითარების შემაფერხებელ ბარიერებს. მსუბუქი ნარკოტიკების ნაწილობრივ ლეგალიზაციამ გაზარდა მომხმარებელთა რაოდენობა, ამავე მომხმარებლის ასაკის დაწვევის ხარჯზე რაც სავალალოა ჩვენი ქვეყნის დემოგრაფიული ფონისთვის.

ხაშური, ბუნებრივად, ყოველთვის იყო ქვეყნის სამი მიმართულების დამაკავშირებელი კვანძი (აღმოსავლეთი, დასავლეთი, სამხრეთი) და ინარჩუნებს დღემდე ამ სტატუსს. მოსახლეობის დიდი ნაწილი აწარმოებს სხვადასხვა სახის საოჯახო ნივთებს. აღნიშნული პროდუქცია გამოირჩევა კარგი ხარისხით და იკავებს თავის ნიშას ქართულ ბაზარზე. აღსანიშნავია, დაბა სურამის პოტენციალი. დაბა სურამის მიმდებარე ბუნებრივი კლიმატი გაზაფხულის პერიოდში, კერძოდ კი მაისის თვეში (როდესაც ხდება ნაძვის დამტვერიანება) იზრდება მოთხოვნა საოჯახო სასტუმროებზე. შესაბამისად ადგილობრივი მოსახლეობა საოჯახო სასტუმროების მართვაში არის ჩართული, რაც ერთთავად ზრდის და ანვითარებს საოჯახო ტურიზმის სფეროს. ეს კი ხელს უწყობს მოსახლეობის, მათ შორის ახალგაზრდების დასაქმებას, რაც მნიშვნელოვანია ხაშურის მუნიციპალიტეტისთვის.

ხაშურის მუნიციპალიტეტი არ არის საუნივერსიტეტო ქალაქი, რაც ერთ-ერთი გამომწვევი მიზეზია ახალგაზრდების გადინების, როგორც გორის, ასევე თბილისის მიმართულებით. უმაღლეს განათლება მიღებული ახალგაზრდების დიდი ნაწილი დროებით, ან სულ ტოვებენ საკუთარ საცხოვრისს, რაც მუნიციპალიტეტში არასაკმარისი სამუშაო ადგილებიდან მომდინარეობს.

ქ. ხაშურში ფუნქციონირებს 33 სკოლა, მათ შორის 32 საჯარო, 1 კერძო სკოლა. აღსანიშნავია, რომ რამდენიმე სოფელს მხოლოდ ერთი სკოლა აქვს. მუნიციპალიტეტში არსებული სასკოლო ინფრასტრუქტურა ხშირ შემთხვევაში არ შეესაბამება თანამედროვე მოთხოვნებს და სკოლა ვერ უზრუნველყოფს ახალგაზრდებისთვის მათ საჭიროებებზე მორგებული სერვისების მიწოდებას.

ხაშურის მცხოვრები ახალგაზრდების საჭიროებების კვლევამ აჩვენა, რომ უშუალოდ ახალგაზრდების პრობლემას წარმოადგენს კინოთეატრის, ახალგაზრდების შეხვედრის ადგილების, ახალგაზრდული ცენტრის არ არსებობა, რაც თავის მხრივ ახალგაზრდების განვითარებისთვის ერთ-ერთი შემაფერხებელი ფაქტორია. მუნიციპალიტეტში მოქმედი ბიბლიოთეკების რაოდენობა საკმარისი არ არის, როგორც ქალაქში, ასევე რაიონებში მცხოვრები ახალგაზრდებისათვის. პრობლემას ასევე წარმოადგენს რეკრეაციული სივრცეების ნაკლებობა, სადაც ახალგაზრდებს შეეძლება გაატარონ თავისუფალი დრო.

მუნიციპალიტეტში მცხოვრები ახალგაზრდები ყველაზე მეტად თანამშრომლობენ ადგილობრივი ხელისუფლების ორგანოებთან, რომლებიც აცნობიერებენ თუ რამდენად მნიშვნელოვანია მუნიციპალიტეტში ახალგაზრდული პოლიტიკის სწორად წარმართვა.

მუნიციპალიტეტში მცხოვრები ახალგაზრდების მეტი განვითარებისთვის, მნიშვნელოვანია, ადგილობრივი მუნიციპალიტეტის მიერ შესწავლილი და გათვალისწინებული იქნას ახალგაზრდების მრავალმხრივი ინტერესები და შესაბამისად, მიეწოდოს მათ საჭიროებებზე მორგებული სერვისები. აღნიშნული სერვისები, ახალგაზრდებს მისცემს საშუალებას თავად დაგეგმონ და განახორციელონ სხვადასხვა ინიციატივა, აიმაღლონ ცნობიერება და კვალიფიკაცია საერთაშორისო აქტივობებში (კონფერენცია, ტრენინგი, სემინარი) მონაწილეობის გზით. ხაშურის მუნიციპალიტეტის ახალგაზრდული საქმიანობის ძირითადი პრინციპები:

- სამართლიანობა;
- თანასწორობა;
- ანგარიშვალდებულება და გამჭვირვალობა;
- ახალგაზრდების ჩართულობა და მონაწილეობა;
- მიუკერძოებლობა;
- დაინტერესებული პირების ინფორმირება;

უფლებების აღიარება, პატივისცემა და დაცვა; თანაბარი ხელმისაწვდომობა; ახალგაზრდებისადმი კეთილგანწყობა.

ადგილობრივი თვითმმართველობის კოდექსის მიხედვით, ახალგაზრდებთან მიმართებაში მუნიციპალიტეტის საკუთარი უფლებამოსილებებია (მუხლი 16):

ადგილობრივი თვითმყოფადობის, შემოქმედებითი საქმიანობისა და კულტურული მემკვიდრეობის დაცვა და განვითარება; ადგილობრივი მნიშვნელობის კულტურის ძეგლთა მოვლა-შენახვა, რეკონსტრუქცია და რეაბილიტაცია; მუნიციპალიტეტის მართვაში არსებული ბიბლიოთეკების, საკლუბო დაწესებულებების, კინოთეატრების, მუზეუმების, თეატრების, საგამოფენო დარბაზებისა და სპორტულ-გამაჯანსაღებელი ობიექტების ფუნქციონირების უზრუნველყოფა და ახალი ობიექტების მშენებლობა;

ადგილობრივი მნიშვნელობის ობიექტებზე შეზღუდული შესაძლებლობის მქონე პირებისათვის, ბავშვებისა და მოხუცებისათვის სათანადო ინფრასტრუქტურის განვითარება, მათ შორის, საჯარო თავშეყრის ადგილებისა და მუნიციპალური ტრანსპორტის სათანადოდ ადაპტირებისა და აღჭურვის უზრუნველყოფა;

მუნიციპალიტეტი უფლებამოსილია საკუთარი ინიციატივით გადაწყვიტოს ნებისმიერი საკითხი, რომლის გადაწყვეტაც საქართველოს კანონმდებლობით არ არის ხელისუფლების სხვა ორგანოს უფლებამოსილება და აკრძალული არ არის კანონით;

ადგილობრივი თვითმმართველობის ორგანო უფლებამოსილია ამ მუხლის მე-3 პუნქტით განსაზღვრული წესით განახორციელოს ღონისძიებები დასაქმების ხელშეწყობის, სოფლის მეურნეობის, მათ შორის, სასოფლო-სამეურნეო კოოპერაციის, მხარდაჭერისა და ტურიზმის განვითარების, სოციალური დახმარებისა და ჯანმრთელობის დაცვის, ადგილობრივ დონეზე.

ახალგაზრდების განვითარება და კეთილდღეობა, ახალგაზრდების პოტენციალის სრული რეალიზება და მათი აქტიურად ჩართვა ქვეყნის განვითარების პროცესში.

სტრატეგია ეფუძნება 4 ძირითად სტრატეგიულ მიზანს:

1. ახალგაზრდების სოციალ-ეკონომიკური მდგომარეობის გაუმჯობესება

ამოცანები:

- 1.1. ახალგაზრდების უმუშევრობის შემცირება.
- 1.2. ახალგაზრდების ინფორმირება თემში დაგეგმილი და მიმდინარე პროექტების შესახებ;
- 1.3. ახალგაზრდების მიერ როგორც საკუთარი, ისე სხვისი უფლებების დაცვის ხელშეწყობა;
- 1.4. ახალგაზრდების აქტიურად ჩართვა თემის განვითარების პროცესში და ადვოკატირების შესაძლებლობა;
- 1.5. უმცირესობების - გენდერული, სოციალური, ასაკობრივი, ეთნიკური წარმომავლობისა და რელიგიური ნიშნით დისკრიმინაციისა და ოჯახური ძალადობის შემცირება და მათი ინკლუზიურობის გაზრდა.

2. ახალგაზრდების ჯანმრთელობის დაცვისთვის შესაბამისი პირობების შექმნა

ამოცანები:

- 2.1. ახალგაზრდების ჯანსაღი ცხოვრების წესის შესახებ ინფორმირება და მისი პოპულარიზება საკომუნიკაციო და სხვა სა-

შუალელების გამოყენებით.

2.2. რეკრეაციული გარემოს შესახებ ახალგაზრდების ინფორმირება და მათ მიერ აღნიშნული გარემოს მნიშვნელობის გათვითცნობიერების უზრუნველყოფა.

2.3. ჯანსაღი და ხელმისაწვდომი გართობის შესაძლებლობების შექმნა შესაბამისი ინფრასტრუქტურის მოწყობის, მათ შორის ველობილიკების და სპორტული ღონისძიებების რაოდენობის ზრდის გზით;

ხარისხიანი ჯანდაცვის სერვისების ხელმისაწვდომობა ახალგაზრდებისთვის და რეპროდუქციული ჯანმრთელობის შესახებ ინფორმირება.

3. ახალგაზრდების ცნობიერების ამაღლება

ამოცანები:

- 3.1. ახალგაზრდებში სამოქალაქო და სახელმწიფოებრივი ცნობიერების ამაღლება შესაბამისი პროგრამების განხორციელების გზით;
- 3.2. ახალგაზრდების მიმდინარე მნიშვნელოვანი პროცესებისა და შესაძლებლობების შესახებ ინფორმირებულობის ზრდა;
- 3.3. მოხალისეობის პოპულარიზება და წახალისება;
- 3.4. ახალგაზრდული ორგანიზაციების და საინიციატივო, ახალგაზრდული ჯგუფების ხელშეწყობა და განვითარება;
- 3.5. კულტურათაშორისი და გენდერული მგრძობელობების შესახებ ცნობიერების ამაღლება;
- 3.6. ახალგაზრდების გაცვლით პროგრამებში ჩართვის ხელშეწყობა.

4. ახალგაზრდული საქმიანობის განვითარება

ამოცანები:

- 4.1. ახალგაზრდული მუშაკის ინსტიტუტის გაძლიერება;
- 4.2. ახალგაზრდების პიროვნული განვითარების მხარდაჭერა, შესაბამისი არაფორმალური განათლების პროგრამების გზით;
- 4.3. თემში საჯარო ბიბლიოთეკისა და ახალგაზრდული ცენტრების დაფუძნება/ჩამოყალიბება, არსებულის მოდერნიზება და აღჭურვა;
- 4.4. კულტურულ-შემეცნებითი აქტივობების რაოდენობის გაზრდა.

სტრატეგიის განხორციელების მონიტორინგსა და შეფასებას განახორციელებს მერიის არსებული შესაბამისი სამსახური - მერიის განათლების, კულტურის და სპორტის სამსახური, საჭიროებიდან გამომდინარე მერიის შესაბამისი სამსახურების და არასამთავრობო ორგანიზაციების ჩართულობით.

სტრატეგიის განხორციელების მონიტორინგი და შეფასება განხორციელდება წელიწადში ერთხელ, დეკემბრის თვეში შეთანხმებისამებრ, სადაც მერიის შესაბამისი პასუხისმგებელი სამსახური წარმოადგენს სტრატეგიის განხორციელების მიმდინარე პროცესის ანალიზს. შეხვედრაზე, განიხილება შემდეგი საკითხები: კონკრეტულ პერიოდში შესრულებული სამუშაო, ხელთ არსებული რესურსები, პრობლემები, გამოწვევები, საჭირო რესურსები შემდგომი განვითარების მიზნით.

მონიტორინგის და შეფასების მიზნით შესაძლებელია დამატებითი შეხვედრის ორგანიზება, რომელსაც იწვევს მერი ან მერთან შეთანხმებით შესაბამისი სტრუქტურული ერთეული.

სტუმრად - დამეგობრებულ ქალაქში

ხაშურთან დამეგობრებული ლიეტუვის ქალაქ რადვილიშკისის საჯარო ბიბლიოთეკაში თხრობის საერთაშორისო კონკურსი „იყო და არა იყო რა“ გაიმართა.

კონკურსს სტუმრის სტატუსით დაესწრნენ ხაშურის მუნიციპალიტეტის საკრებულოს წევრები მაკა დიდებულიძე და თათია ბროლიძე, ხაშურის მუნიციპალიტეტის ბიბლიოთეკის კლუბ „ზღაპრის საათი ნონასთან ერთად“ ხელმძღვანელი ნონა ტეფნაძე და პოეზიის შემსწავლელი საგანმანათლებლო წრის ხელმძღვანელი ხათუნა ჩიტაძე.

ხაშურის მუნიციპალიტეტის წარმომადგენლებმა ლიეტუველ აუდიტორიას მშობლიურ ენაზე წაუკითხეს ზღაპრები და სპეციალური პრიზები დაიმსახურეს.

ღონისძიებათა ფარგლებში გაიმართა შეხვედრა ქალაქ რადვილიშკისის მერთან - კაზიმირას რაჩკაუსკისთან.

ხაშურის მუნიციპალიტეტის წარმომადგენლები რადვილიშკისის საჯარო ბიბლიოთეკის საქმიანობასაც გაეცნენ.



უ ლ უ მ ბ ო ფრაგმენტები სოფლის ისტორიიდან

(გაგრძელება. დასაწყისი №18,19,20,21)

ულუმბისა და მისი მონასტრის ისტორია XIII საუკუნიდან (შესაძლებელია ადრეული საუკუნეებიდანაც - თ.ლ.) მოყოლებული, ვიდრე XX საუკუნემდე მჭიდროდ არის დაკავშირებული გაბელიძე - ამირეჯიბთა საგვარეულოსთან.

ვახუშტი ბატონიშვილის მიხედვით აზამიძეს, ფალავანდიშვილს და ამირეჯიბს „...ერთობასა შინა აქუნდათ მამულნი იმერეთს და ქართლსა შინა, და შემდგომად განყოფისა სამეფოსა, ერთი მძა იქით და ერთი აქათ დაშეთენ, ვითარცა აჩენს მამულნი და სიგელნი მათი“. ამრიგად, ვახუშტის თანახმად, საქართველოს ერთიანობის პერიოდში ამირეჯიბები მამულებს ფლობენ როგორც ქართლში, ასევე, იმერეთში. მათი მამულები ლიხის ქედს ემიჯნება.

იოანე ბაგრატიონი ამირეჯიბებს ფალავანდიშვილებიდან გამოსულ საგვარეულოდ მიიჩნევს: „ამირეჯიბნი არიან ესენიც ძველადვე ფალავანდიანთა გვარისანი, რომელთაც აქვთ მამულნიცა ურთიერთისა შორის შერევილნი, გარნა ამირეჯიბობაი გაუგვარდათ სახელისა გამო, ვინაიდგან ამირეჯიბი ნიშნავს საქმის მომხსენებელსა მეფისასა... ხოლო ესენიცა არიან ახალციხიდანვე მოსრულნი ქართლში, რომელნიცა სახლობენ ზემო ქართლსა შინა ზემო ამირეჯიბად და ქვემო ამირეჯიბად. ზემონი არიან დავითის შვილები, ხოლო ქვემონი ზაზას შვილები. ასპანის შვილები, რომელნიცა ამათ გვარნი სცხოვრობენ იმერეთს აზნაურად და რომელნიცა ახალციხეს ბეგებად წოდებულნი“.

გაბელიძე-ამირეჯიბების შესახებ საინტერესო მონაცემებს ვხვდებით თავად მათი ხელიდან გამოსულ საბუთებში. ეს უმთავრესად ითქმის ქუცნა ამირეჯიბის „დაწერილზე“ ულუმბის ღმრთისმშობლისადმი, რომელსაც მკვლევარები 1407-1410 წლებით ათარიღებენ.

მკვლევარები მიუთითებენ საბუთის შედგენილობის თავისებურებებზე და წერენ: „აქ აღრიცხულია ულუმბის ღმრთისმშობლის მონასტრისათვის ამირეჯიბთა მიერ გაწეული ღვაწლი ქრონოლოგიურად სხვადასხვა მონაკვეთში, რაც, უჭკველია, თავის დროზე სათანადო ცალკეული აქტებით იყო გაფორმებული. ამდენად, საბუთი გარეგნულად ტოვებს ერთ თემაზე გაერთიანებულ კრებულის შთაბეჭდილებას“. ამიტომ იყო, რომ თავის დროზე თედო ჟორდანიამ, რომელმაც 1892 წელს შემოკლებით გამოსცა საბუთი, ტექსტი თავებად დაჰყო რომაული ნუმერაციით (I-VIII). ასევე გაიმეორა საბუთის რუსულად მთარგმნელმა საურმაგ კაკაბაძემ, მხოლოდ იმ განსხვავებით, რომ მან თ. ჟორდანიასეული ნომრები გადაადგილა.

ისტორიკოსი გ. ოთხმეზური მიუთითებს: „ტექსტში ქრონოგიული თამნიმდევრობა არაა დეცული და XV საუკუნის I მესამედის ამბების თხრობაში შიგადაშიგ ჩართულია ცნობები ამავე საუკუნის 50 – 80 - იანი წლების და XVI საუკუნის II მეოთხედის საბუთებიდან“.

„დაწერილის“ ავტორი ქუცნა ამირეჯიბი, თემურ-ლენგისგან აოხრებული ულუმბის მონასტრის მშენებელია. იგი მოგვითხრობს მის წინაპრებზე, იმ დამსახურებაზე რაც მათ მიუძღვოდათ ქვეყნის წინაშე. „დაწერილში“ არის ქუცნას შემდეგდროინდელი ჩანართებიც. აქვე უნდა შევნიშნოთ, რომ გაბელიძეები ასპარეზზე გამოჩენისთანავე ფლობენ ულუმბას, ზრუნავენ მასზე.

„დაწერილის“ მიხედვით ამირეჯიბების წინაპრები, - გაბელაძეები, - XIII საუკუნის 20-30 წლებში განვითარებული მოვლენების დროს გვხვდება. ამ დროს ისინი უკვე საკმაოდ დიდ ტერიტორიას ფლობენ, მათი მთავარი სალოცავია ულუმბო. ამასთან დაწინაურებულები ჩანან სამეფო კარზე. „დაწერილის“ თანახმად, რუსულად მეფემ ამირეჯიბების პაპა - ქურციკ გაბელაძე უწინამძღვრა ქართველთა ლაშქარს სპარსელების წინააღმდეგ, რომლებიც ცნობილი ჯალალ-ედ-დინის ხელმძღვანელობით ცდილობდნენ საქართველოს დაპყრობას. ცნობილია, რომ ქართველობა ჯალალ-ედ-დინთან დამარცხდნენ, მაგრამ „დაწერილის“ ცნობა სხვა ბრძოლაზე უნდა მიგვანიშნებდეს, რომელშიც ქართველებს მტერი უძლეველად და გაუმარჯვიათ.

უნდა შევნიშნოთ, რომ ქურციკს ბრძოლის დაწყებამდე ულუმბის მონასტრისათვის შეუწირავს სოფელი წაღვლი: „შევწირეთ წაღვლი ნასყიდი და ნამზითვი მხეიძისაგან. შევსწირეთ, ოდეს წარგვიჩინა თვით და ამისად სპასალარად რუსუდან მეფემან ლაშქარსა სპარსისასა და გაგვემარჯუა. მინდორს შევიბენით და ამოვსწყვიდეთ. მოვართვით დროშა, ნადარა და თავი თვითგან მაღლის სულთნისა. და გვიყო წყალობა და გვიბოძა ჯილდოდ, რაც ვეაჯეთ“ (ქართული ისტორიული საბუთები, XIV-XV საუკუნეები, შეადგინეს და გამოსაცემად მოამზადეს თინათინ ენუქიძემ, ნინო თარხნიშვილმა, ბაბილინა ლომინაძემ, თბ. 2013, გვ. 95). სამეფო კარმა ქურციკ გაბელაძეს ქართლსა და იმერეთში უბოძა სოფლები, მან კი თავის მხრივ შესწირა ულუმბის მონასტრს: „ლომინაძისაგან გამოტანებული მხითვეი ბებუის ჩემისათვის - წირქული და ზოდი მონასტრისა ჩუენისა მოსახსენებლად და შესაწირავად მსხუერპლისა ჩუენისა ყოვლად წმიდისათვის, ნაოხარი სოფლები ლოდორა, ლიჩი და გოლისი, უწლევი, ბობოკინი, ბოლოსანი და აძვისი. და რაც გამოსაღები და ბეგარა გაგვეჩინოს, მოძღუართ-მოდრუარსა მიეზარებოდეს. თორმეტს საუფლოს დღესა ჟამს გვიწირავდეს საულუმბოს მღუდლით, და კარგადებულს ადაპს გარდაიხდიდეს. და დროშაცა შესწირეთ მეხოიშენსა ჩუენსა და თავი მრავალმალსა“.

ამ ამონარიდში ყურადღებას იქცევს ცნობა იმის თაობაზე, რომ ჯალალ-ედ-დინისათვის წართმეული დროშა ულუმბოს მონასტრისათვის, ხოლო თავი მრავალმალის მონასტრისათვის შეუწირავთ.

* * *

აღნიშნული შენაწირების არსებობა მრავალმალის მონასტრში დადასტურებულია მოგვიანო ხანის ინფორმაციით. აქ უნდა შევნიშნოთ ის, რომ ულუმბოს შეწირული ჯალალ-ედ-დინისათვის წართმეული დროშა რაღაც პერიოდში მრავალმალში ხვდება და თავთან ერთად ინახებოდა აქ.

გაზეთმა „ივერიამ“ 1894 წლის 23-24 თებერვალს, ორ ნომერში (42,43) გამოაქვეყნა ვრცელი წერილი „მრავალმალის ეკლესია რაჭაში“, რომელსაც ხელს აწერს „ქართველი ოსებში“ (თედო ჟორდანი).

ავტორი მრავალმალის წმ. გიორგის ეკლესიას თამარ მეფის მიერ აშენებულად მიიჩნევს და წერს:

„ამ ეკლესიაშივეა თამარისავე შეწირული წმ. გიორგის ვერცხლის ხატი, ძვირფასი თვლებით მოჭედილი, რომელსაც სიმაღლე ერთი ალაზი ექნება და სიგანე სამი ჩარეჟი. ეკლესიის თაღში დატანებულია, როგორც გადმოცემა ამბობს, თვით თამარ მეფის თმა“.

ავტორი მოგვითხრობს ხალხში გავრცელებულ შემდეგ ლეგენდას: „ეკლესია ძვირფასი თლილის ქვით არის აგებული მაღალ გორაზედ, სოფლიდან ვერს-ნახევარზედ. ზეპირ-გადმოცემა მოგვითხრობს თუ რად ეძახიან ამ სოფელს მრავალმალს: ერთხელ, თამარის მეფობის შემდეგ, როდესაც ოსმალოს ჯარს, ჩვეულებისამებრ, საქართველოზედ გამოელაშქრა, მრავალმალის მთასაც მოჰხვედროდა მისი უწმინდური ფეხი, გადმოველოთ მთაზედ და სურდათ თურმე სოფელ მრავალმალში ჩასვლა და მისი აკლესია. მაგრამ, ღვთის განგებამ ღირსი არ გაჰხადათ, რომ მათს უწმინდურს ფეხს შეემუსრა მრავალმალის წმინდა ადგილი. როდესაც ოსმალოს ჯარი დაუახლოვდა თურმე ამ სოფელს ორი ვერსის მანძილზედ, ერთბაშად დაბნელდა, ნისლ-ბურუსის ზეწარი გადაეფარა იმ არემარეს და ჯარი ველარაფერს ჰხედავდა; აერიათ გზა-კვალი; დაიწყეს უგზო-უკვლოდ ხეტიალი და გადაადგნენ უზარმაზარ ჭოლევის კლდეს, რომლის ძირში ერთ ალაგას ჭაობიანი ტბა არის. კლდესაც ამიტომ ეძახიან ჭოლევის კლდეს. ეს კლდე სარტყელივით აქვს შემორტყმული ამ სოფელს და სიმაღლით ორმოც-სამოცი საყენი იქნება. ჭოლევის კლდიდან რამდენიმე ჯარისკაცი გადაცვივდნენ და რადგანაც თვალთ ვეღარას ჰხედავდნენ, ბევრი გადაჰყვნენ ერთიერთმანეთს. ბოლოს შენიშნეს, რომ ჯარისკაცი მიდიან და სადღაც სცივიან; ერთბაშად შესდგნენ და დაუწყეს გზას ფრთხილად სინჯვა; აღმოჩნდა, რომ გადასდგომოდნენ ზემოხსენებულ კლდეს და ილუპებოდნენ. აღარ იცოდნენ, საით გაბრუნებულიყვნენ. სწორედ ღვთის განგებააო, იფიქრეს; აქ სწორედ წმინდა გიორგის სალოცავი უნდა იყოსო. ამ ფიქრის შემდეგ ოსმალოს ჯარმა, დაიწყო ლოცვა: „დაგვიხსენ, ამ განსაცდელისაგან, ვევედრებით შენს დიდებას, დავსდებთ ალთქმას და სადამდინაც შენი ზარის ხმა მიაღწევს, იქ ჩიტსაც არ ავაფრენტო“. ამ ლოცვის შემდეგ ერთბაშად გადიყარა ჯანღმა და მრავალმალის არემარესაც მოეფინა ჩვეულებრივი დღის სინათლე. ჯარის კაცთ გადახედეს და დაინახეს რა ცოტა მოშორებით საყდარი, დაბრუნდნენ კლდიდან და მივიდნენ ეკლესიაზედ. ერთი დღე და დამე ამ ეკლესიის გაღვანში დაჰყვეს ჯარის კაცთ და შესთხოვეს: „წმინდაო გიორგი ძლიერო, რადგანაც გადაგვარჩინე, ამ განსაცდელს და გვიხსენი და ეგრეთი სასწაულთმომქმედი ხარ, ჰქმენ სასწაული და ამ შენს გაღვანში მოიყვანე ის ძროხა და ხარი, რომელიც იმყოფება ჩვენის ზღვის პირზედ და უფრო მეტად დაგვიმტკიცე შენი ძლიერააო. „ძროხა და ხარი გარეულნი ყოფილიყვნენ, საშინელი უზარმაზარნი, რომელთაც თუმცა ჰხედავდნენ, ვერავინ ჰხედავდა მათ დახოცვას. ამით უნდოდა გამოეცადნათ ძლიერება ხატისა. უფლის განგებით, ოსმალოს ჯარის თხოვნა აღსრულდა. მეორე დღეს ხარი და ძროხა მართლაც მოსულიყვნენ და ეკლესიის კარებს მისდგომოდნენ. ოსმალოს ჯარის კაცნი უფრო მეტად გააკვირა და გააცვიფრა ამ სასწაულმა; ეს ხარი და ძროხა ადვილად დაჰნებდა ჯარს დასაკლავად; იმათაც დაჰკლეს იქვე გაღვანში და სახსოვრად ამ სასწაულისა, მარჯვენა რქები ძროხისა და ხარისა ვერცხლით შეაჭედვინეს და მრავალმალის ეკლესიას შესწირეს; ეს რქები დღესაც ამ ეკლესიაში ინახება ძველის ვერცხლით შეჭედილი. ყოველი ამის გამო მრავალ სასწაულის მნახველთ ოსმალოს ჯარის კაცთ უწოდეს ამ ეკლესიას „მრავალმალი“, ანუ „მრავალძლიერი“. ეკლესიის წყალობით სოფელსაც ეს სახელი ეწოდა. ზემოხსენებულ ყანწებს ხმარობენ ეკლესიის დღეობაში, აგრედვე ქორწილში. ყანწები ფერათ წითელის სისხლივით არის. ბევრს არა სჯერა, რომ ყანწები ბუნებით არის ასეთი წითელი, წამლით თუ არის შეღებილი. ყანწებში ჩადის თითოში თითქმის თითო თუნგი, ხალხი იმ აზრისაა, რომ როდესაც იმ ყანწებით ღვინოს სვამს ვინმე, უსათუოდ ფეხზედ უნდა წამოდგეს, ქუდი მოიხადოს, პირჯვარი დაიწეროს, სამჯერ ემთხვიოს ყანწს და ისე დალიოს; თუ ასე არ მოიქცა, ვერ გამოსცლისო, ეკლესიაში, როგორც ამბობენ, ოსმალოს ჯარის კაცთაგან არის შემოწირული უწინდელი მათი გამოჩენილი მეომრისა და ჯარისკაცის ვეებერთელა რკინის ქუდი, ჩაფხუტი და ხმალი, რომელსაც უწოდებენ ხვარაზმის ხმალს, აგრეთვე შუბები და სხვა...“.

თ. ლაცაბიძე

- "ფრესკა" პოლონეთიდან უდიდესი წარმატებით ბრუნდება -

პოლონური მედია: "საოცარი ქართველები-შოუ, რომელიც არასოდეს გინდა რომ დასრულდეს..."



ჩვენი სახელოვანი ანსამბლი "ფრესკა", რომელსაც ასევე ცნობილი ქორეოგრაფი ელენე რატიანი ხელმძღვანელობს, უდიდესი წარმატების შემდეგ, პოლონეთიდან სამშობლოში დაბრუნდა. "საოცარი ქართველები-ეს უნდა ნახოთ, ეს უნდა შეიგრძნოთ, ესაა შოუ, რომელიც არასდროს გინდა რომ დასრულდეს. ორი სიტყვით, ასე შეიძლება მათი გამოსვლა შეფასდეს-ცეცხლი



სცენაზე, რომელსაც ადამიანები კმნიან. წარმოდგენელი ენერჯია, წარმოდგენელი სილაღე შერწყმული საოცარ მუსიკასთან და თქვენს თვალწინ იშლება ზეციური შოუ"-ასე შეაფასა პოლონურმა მედიამ. "ფრესკის" გამოსვლა ქალაქ ტარნოვში, სადაც ანსამბლი ქალაქის გმინას მიწვევით და ხაშურის მუნიციპალიტეტის მერიის მხარდაჭერით იმყოფებოდა.

გულოცავთ "ფრესკას" ამ წარმატებას, გულოცავთ მათ ხელმძღვანელს და იმედი გვაქვს, ჩვენი ქალაქის სახელს ისინი კიდევ ბევრჯერ გააცნობენ ევროპასა თუ მსოფლიოს მეგაპოლისებს.



ხაშურის თოჯინების თეატრის დარბაზში ახალგაზრდული თეატრალური დასი სპექტაკლის პრემიერით წარდგა

თეატრის დირექტორი გია ბოლოკაძე, რეჟისორი და ინსცენირების ავტორი გიორგი ცხვედაძე გახლავთ. „ადამიანი“ - ასე ჰქვია სპექტაკლს, რომლის მთავარი თემა გლობალურ გამოწვევებისა და საფრთხეების წინაშე მდგომი თანამედროვე ადამიანია.

სცენაზე საინტერესო პერსონაჟები გააცოცხლეს ახალგაზრდული დასის წევრებმა: აკაკი გელაშვილმა, გიორგი ჩადუნელმა, ლიზი მახარაძემ, ანანო შავიძემ, სალომე ლომიძემ, იაკობ ალხაზიშვილმა, ანი ყაულაშვილმა, ნატალი ყაულაშვილმა, მარიამ ჟამერაშვილმა.



ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი და გაზეთის რედაქტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.
E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.
D-ით მონიშნული სტატია იბეჭდება დაკვეთით გაზეთი იბეჭდება თბილისში.